

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**D. Gebh. Theodori Meieri Theologi & Prof. in Academia  
Julia Antichiliasmus Absolutissimus**

**Meier, Gebhard Theodor**

**Helmstadii, 1696**

Lectori Salutem & Officia

**urn:nbn:de:bsz:31-105465**

*Lectori Salutem & Officia*

Cum voto sinceræ cœlestis doctrinæ ac illius pietatis, quæ  
habet promissionem præsentis ac futuræ vitæ,  
*apprecatur & offert*

GEBHARDUS THEODORUS MEIERUS.

**N**Otum Tibi est, quam indignis mo-  
dis & *deiva* in duobus scriptis, utroque calamniis re-  
fertissimo, me ante aliquot menses persecutus fue-  
rit. Mihi quidem par pari referre religio est, sed  
potius provoco ad omnes bonos & ingenuos homines, qui  
me meamque vitam norunt, provoco ad omnes pios & in-  
dustrios meos Auditores, provoco ad honoratissimos Col-  
legas meos, provoco ad Potentissimos meos Nutritores Prin-  
cipes, provoco ad Deum ipsum, imo provoco ad Animad-  
versoris Contribules, qui aliquam partem fuerunt mei discipuli  
& amici in Christo singulares, an talis ego sim, qualem hic ho-  
mo me describit. Poteram equidem ex lege *diffamari* ad-  
versus eum agere, salva lege christianismi, sed cum recordatus  
fuerim, quod homo perditissimæ famæ innocentium virorum  
famam commaculare nequeat, in nullo ego in his terris judi-  
cio, nisi coram tribunali honestatis, causam meam agi volo, ab  
ejusq; judicio lubens stabo. Caterum prodeat Chiliaffa vel Vi-  
sionista & me accusati criminis convincat. Solum enim accusa-  
re non sufficit, & si hoc sufficeret quis esset innocens? Sed hic  
horum hominum mos est, qui suspectam suam doctrinam aliis  
obtrudere satagunt, ut fidem alias sarram & tectam eorum in-  
dubium vocare studeant, qui illis contradicere audent. Hæc  
interim animo ita volventem revolventemq; eximius juvenis  
ADOLPHUS THEOBALDUS OVERBECK nullo meo svasu,  
nullo hortatu, nullo meo instinctu sed ultro (quod Deus &  
modo

modo laudatus juvenis testis est) convenit, rogans ut Disputationem, à se contra Chiliaftas eorumque inprimis Promachum, elaboratam sub meo qualicunque præsidio Eruditorum examini submittere ipsi liceret, atque vel sic à suspitione qua gravaretur, ac si ipse Chiliafta esset, auctoritate & consilio suorum motus, se liberaret. Fateor equidem, quod initio tergiversatus fuerim commodas ei præbere aures, qui à me nondum impetrare poteram, ut nugis & cavillationibus ejus responderem, indignum præterea reputans liberali ingenio in futillum thesium examine & refutatione desudare. Postquam autem hujus Animadversoris affectas exultantes animadverti, sibi suoque Patrono victoriam accinentes, quasi silentium desperatæ causæ index esset, annui ego petitis doctissimi hujus juvenis & in examine hodierni Chiliasmi præsidium meum ei amplius denegare nolui. Sciant vero omnes, non me sed juvenem hunc hujus scripti auctorem (Animadversoris quondam auditorem sedulum) esse, exceptis iis quæ ex prælectionibus meis hauserat, reliqua, certo consilio immutare nolui, defensionem tamen mei Programmatis mihi soli relicta, benevolo lectori, simulatque per alia negotia, quæ hoc inprimis semestri mihi quamplurima fuerunt expediunda, licuerit, proxime communicandam. Quo peracto ego deinde manum huic negotio plane subtraham, sive fulmina sive tonitrua ex fauce contumeliosa sive hic sive alius in posterum eructet, neque enim ad illa, nec famæ nec salutis meæ nocitura contremisco, amœnioribus meis studiis operam porro potius daturus. Bene vale! Candide Lector, & hunc juvenem ad præclara aspirantem amare, ejusque studia in Dei gloriam, & Ecclesiæ commodum promovere stude, & ubi inceperis mecum perge: dignus enim ille est quem habeas Tibi quam commendatissimum.

EXER.